

八瓊室金石補正

八瓊室金石補正卷一百十七

太倉陸增祥撰

男 繼輝校錄

吳興劉承幹覆校

宋 三十六

鵝鵝峯題名記

高二尺二寸廣三尺一寸記入行行十三字題
名七行十八人字徑一寸五分正書在道州

道王辰省敘幕始置今曹

廣

弗駢駢且磨亭側鵝

鵝峯之麓以紀歷官者名氏後來繼今以書雕闕千百

石崖其有既哉慶元乙卯九月丁亥濟南王域題

趙不柔

林可行

晁公億

秦欽敷

張球

王杞

趙彥瑄

紹熙二年五月到

王域

紹熙五年十一月到

趙希聲

林冠英

劉

澤此行三人皆無

年月接刻前行之左如式錄之

王

然

嘉定三年四月到

王正大

此刻在林冠英之左低二格

應夢武

嘉定四年四月到

此刻在趙不柔之右

張洙

嘉定四年四月到

此刻在林可行之右低一格四字以下為張凱題名所掩

張凱

寶慶二年十二月到任

此刻在晁公億之右低一格

莊元戊

端平二年
六月到

此刻在王
正大之左

陳白孫

景定四年二月
二十二日到

此刻在林可行張
球兩人之中間

右駕鶴峯題名記在道州弑山弑山在州治北駕
鶴峯在山之巔其下有池曰龍泓有井曰丹井相
傳江夏馮京隨父任道州武職讀書其中人呼爲
馮家弑山云記文前四行漫滅僅辨數字餘尙可
讀王域以上八人爲當時所題趙希聲以下十人
雖不盡記年月要皆後來續題者按其款式可知
也湖南通志失載府志載此分列爲九種一云道
州駕鶴峯殘題名一云王域駕鶴峯題名校首一

行字蹟與王域所題無二大小格次亦無參差其
爲一刻無疑宗氏分系之殊非道上當是乾字至
道明道均不值壬辰也一云趙彥瑄等題名列趙
彥瑄王域二人係紹熙三年一云姜楷題名列姜
□晁公億二人係嘉定三年一云王杞題名係嘉
定四年一云應夢武等題名列應夢武張洙二人
係嘉定十年一云張凱題名係嘉定末一云王默
題名列王默趙希聲二人係紹定二年一云駕鶴
峯殘題名列趙不柔秦欽敷林可行張球陳白孫
林冠英王正大莊元成劉□九人讀碑未得其法

遂致錯亂無章所載□及公億下之□定三□王
杞下之□□四年□□□趙希聲下之□定□□
皆石本所無以意增入其餘謬誤闕漏亦復不一
而足至以趙彥瑄疑宋史趙彥宣誤少偏旁以姜
□謂卽守道州之姜楷以王杞疑州志徐杞誤王
爲徐更屬妄斷修志乘者當引以爲前車焉其於
張凱題名下未審出寶慶二年等字或係拓本不
顯誤審作嘉乃以州志嘉祐年之張凱爲一人因
疑嘉祐爲嘉定之誤其足信邪且前旣以爲丞佐
模稜之類而一指爲姜楷一指爲嘉祐年之張凱

俱係知道州者不又自相矛盾乎審若是則劉澤
下隱隱似有開字亦將以州志開寶年知道州之
劉澤爲一人并謂開寶爲開禧之誤乎王默見陽
華岩毛方平詩序三山人字聲父嘉定五年以郡
掾攝江華令莊元戎有寒亭題詩自署清源刻於
嘉熙二年卽此人也餘再攷

元巖題刻二段

在臨桂

陳正仲等題名

高一尺六寸廣一尺一寸三
行行六字字徑二寸許行書

陳正仲銓訖之官王景醇林亨仲飲餞于此

乙卯
中冬

陳正仲名諱王景醇名宗孟林亨仲名子蒙俱見

彈子岩題名乙卯爲慶元元年彼題云自三城辟
守裏澤此云詮訖之官卽是也廣西通志引宋詩
紀事云讌字仲甫莆田人隆興元年進士累官兵
部侍郎乞補外以集英殿修撰知甯國府再乞致
仕封清源郡侯又引四朝聞見錄莆陽陳讌文人
也刻金字於靈壁石以壽侂冑至稱曰我王韓敗
爲言者所彈又謂石刻正仲書史會要亦作正仲
宋詩紀事云仲甫誤會要又謂與張卽之同時並
以書名

王岳等題名

高二尺廣一尺三寸五分五行行
十字九字字徑一寸五分行書

慶元丁巳立秋後三日同募集觴于此豫章王岳次山
溫陵趙庚叔初長沙陳堯仁壽卿長樂陳舜申宋謨臨
川楊汝明仲藻

彈子岩題名趙庚署稱泉山與此不同

渠渡廟賜靈濟額牒

兩石各高一尺五寸廣二尺六寸餘狀十二行行字
不一字徑四分正書前後共十行字徑一寸四分至
三寸不等行書篆額高八寸廣一尺七分三行行二
字徑二寸五分題敕賜靈濟廟額六字在武岡渠渡
園

尙書省牀

行書

禮部狀掾太常寺申准尙書省劄子勘會諸路州軍

保奏到靈應神祠加封有司拘以小節未圓行下取
會遷延歲月有失褒崇之意五月九日三省同奉

聖旨令禮部太常寺日下檢照已保奏到去勅疾速
擬申施行今檢准建炎三年正月六日勅節文神祠
遇有靈應卽先賜額次封侯每加二字至八字止次
封公每加二字至八字止次封王每加二字至八字
止神仙卽初封真人每加二字至八字止婦人之神
卽初封夫人二字至八字止并本寺條節文道釋有
靈應合加號者並加大師先二字每加二字本寺人
續檢照下項神祠欲從前項已降指揮擬封施行伏

乞省部備申朝廷指揮施行申部數內武岡軍保奏
到武岡軍渠渡廟乞賜廟額依上件

指揮合先擬賜廟額合行降勅本部所據太常寺擬
申到在前伏乞

朝廷指揮施行伏候

指揮

牒奉

勅宜賜靈濟廟爲額牒

以上第一石

至準

勅故牒

慶元二年六月

下

叅知政事何押

叅知政事謝押

右丞相

以上弟
二石

在武岡西二十里玉屏山宋慶元二年賜靈濟廟額

見淳祐十一年葉夢鼎渠渡廟記

寶慶府志

右渠渡廟賜靈濟額牒湖南通志失載寶慶志亦

未錄全文翟斗南大令拓得見貺錄之案府志禮

書載葉夢鼎詩文云渠渡廟在都梁北二十里土

神也舊在天尊嶺祠祭者憚登陟父老有默禱願

徙平地者旣而風雨夜作詰朝神移於嶺址嗣是

旱潦禱卽應宋慶元二年六月賜靈濟廟額卽此碑也記又云嘉泰二年六月封廣惠侯淳祐十一年二月封崇福公鄉之父老曰寶祐甲寅黃山庵真人自南嶽來詣祠曰此漢第三代天師也攷易六十四籤以闡神靈景定癸亥歲旱郡守趙希遇遣武岡縣令林昂孫昇神至郡城雨乃隨至景定甲子四月郡守姚巖下車初夢有渠秀才者來謁次日吏告謁神祠姚曰疇昔夢渠秀才者此也据此則葉夢鼎碑記立於景定五年通志据寶慶鄧志錄入云景定甲子四月鄧氏記其立碑年月亦

同而此處跋云淳祐十一年前後兩歧所宜改正者也鄧氏又云渠渡廟有宋敕書碑凡三道一爲淳祐十一年二月廟神由廣惠顯應宣靈孚祐封崇福公敕一爲景定四年四月增封爲崇福昭貺益靈公敕今余所得拓本一卽此碑一爲淳祐十一年封崇福公敕一爲咸淳五年封益靈公敕而景祐一道僅見年月一行卽在咸淳敕之前當是拓者遺之抑石已斷缺鄧氏或未細審邪鄧氏又別載有嘉泰牒碑今亦未見淳祐咸淳兩牒仍按年月分系而統識於此

程九萬詩并記

高二尺二寸廣一尺七寸十二行行
十五十六字字徑寸正書在襄陽

□□山舊有陽廣洞壺天閣戎帥新加葺修復搜抉兩
旁之秀爲棲霞爲嘯月爲琴几基臺盡發茲山之秘旣

成約漕及余來觀相與嘆賞久之獨恨未能引泉耳戎
帥欲余著語因成五十六字附行記□題崖壁帥守池

陽程九萬鵬飛書漕桐鄉朱致知仲格戎帥河陽趙淳

清老云時慶元丁巳端午日其詩曰蒼巖絕頂俯晴川

佳處潛開小洞天琴几基臺誰是伴霞樓月嘯恍如仙

□山□□□多石□□□□□引泉獨取懸崖□□□

□□已自□燕然

此卽湖北通志所載峴石寺摩厓也

南海英護廟額牒

高四尺六寸廣二尺七寸狀十二行行入十五字至
九十不等字徑五分正書前後六行大小行字不一
在南

尙書省牒

刻字劉信道

禮部狀准都省批送下中奉大夫充祕閣修撰知廣
州主管廣南東路經略安撫司公事錢之望狀奏竊
見

南海洪聖廣利昭順威顯王廟食廣州大茆茲土有

禱必應如響斯答臣領事之始大奚小醜阻兵陸梁
既迫逐延祥官兵怙衆索戰復焚蕩本山室廬出海
行劫臣卽爲文以告于神願借檣風

助順

討逆獻俘

祠下明正典刑毋使竄遁以稽天誅然後分遣摧鋒
水軍前去會合神誘其衷既出佛堂門外洋復回舟
送死直欲趨州城拾月貳拾叁日至東南道扶胥口
東廟前海中肆拾餘艘銜尾而進興官兵遇軍士爭
先奮擊呼王之號以乞靈戰鬪數合因風縱火遂焚
其舟潮汎陡落徐紹夔所乘大船膠于沙磧之上首
被擒獲餘悉奔潰暨諸軍深入大洋招捕餘黨如東

薑陵門諸山素號險惡或遇颶風威發不容艤舟人
皆危之既至其處波伏不興及已羅致首惡則長風
送颶巨浪

如屋

武夫奮棹且喜且愕益仰王之威靈

凡臣所禱無一不酬將士間爲臣言此非人之力也
凱旋之日國境士民以手加額歸功于王乞申加廟
號合辭以請臣參訂輿言具有其實除已先出帑錢
千緡崇飾廟貌外用敢冒昧

上聞臣考之圖經惟王有功於民著自古昔載在祀
典神次最貴唐天寶十載始封爲廣利王

國朝康定貳年增號洪聖皇祐伍年以陰孽僂賊詔

錫昭順紹興柒年復加威顯所以致崇極于神者其
來尙矣旌應表異正在今日欲望

睿慈特降指揮申命攸司討論典禮優加命數昭示
褒寵以答神休以從民欲伏候

勅旨後批送部勘當申尙書省尋行下太常寺勘當
去後據申照得上件神祠係是五嶽四海四瀆之神
兼上件靈應並是助國護民蕩除兇寇比尋常神祠
靈應不同所有陳乞廟額本部尋再行下太常寺擬
封去後據申今將南海洪聖廣利昭順威靈王廟合
擬賜廟額降勅伏乞省部備申朝廷取

旨施行伏候

指揮

牒奉

勅宜賜英護廟爲額牒至準

勅故牒

慶元四年五月 日牒

叅知政事何 押 叅知政事謝 押 右丞相

押

宋史甯宗紀慶元三年夏廣東提舉茶鹽徐安國遣人捕私鹽於大奚山島民遂作亂秋八月辛卯知廣

州錢之望遣兵入大奚山盡殺島民與碑稱拾月貳拾叁日不同蓋碑記戰勝之時史據遣兵之日但遣兵與戰勝自是兩時史臣敘事欲簡而無法遂致紀載失實爾碑稱紹興七年復加威顯慶元四年始賜英護廟額皆史禮志所未詳並當据補之碑末署銜參知政事何者名潛參知政事謝者名深甫右丞相者京鏜具見甯宗紀右丞相不著姓者宋舊制丞相署敕著姓僕射去姓元豐新制以僕射爲相故皆不著姓見老學菴筆記

廣東通志金石畧

興官兵遇興蓋與之誤

銅山令王某題款

高四尺二寸廣一尺二行行十四字字徑二寸許正書篆文及前款失拓在中江

慶元五年正月八日從政郎潼川府銅山縣令主管

農公事王□□建

右刻在中江縣南一百二十里銅山廢縣按元和郡縣志銅山東北至梓州一百二十里本漢鄴縣地有銅山貞觀二十三年置監上元三年廢調露元年置縣舊唐書地理志分鄴飛鳥二縣地置元至元二十一年省入中江

三巴香古志

此刻前有書人章某結銜二行并銅山縣三大篆

拓者遺之

趙涓野祭題名

高二尺一寸廣一尺一寸五分六行行九字字徑一寸五分許行書在襄陽

慶元己未寒食日率兵

將官

以下徧祭戰歿將士于巖

亭之野酌酒焚幣成禮而去清明日復携家來此遙睇

松楸用修時祀河陽趙涓題

右趙涓野祭題名在襄陽縣南三里山麓涓字清

老望楚山洪山均有其題名又嘗撰隍城義冢記

碑今所得止此

興大雅義井題記

高一尺二寸五分八面面廣九寸三分四面各一字
字徑六寸第五面一行十字字徑一寸五分第六面
記八行行十六十七字字徑六分夫行九字字徑寸
許第七面九行第八面十行行字不等字徑五六分
均正書在嘉
定南翔鎮

義井溥施

南無五千四十八卷大藏

大雅伏念邱墓摧頽長途□邈觀往來之甚衆思渴乏
以何多不拘士庶工商誰辨賢愚貴賤或逢炎暑或遇
晨昏非穿鑿於高原渴至□於□困未効韋馱之行狀
豈圖雍□之報儀聊□誠心整爲義井報祖宗之艱業
俾後裔之榮昌飲此泉人俱沾利澤

太歲庚申季冬丙申日龔□□書平江府吳縣

元山石匠朱守甯開

南無大方廣佛華嚴經

上泐不能定其幾字弟式瀝_{上泐}弟□母□□氏二娘□婦何□三

□□孫男七人等□□□義井一所石衣萬□就先

祖墳所□□□西南□仁坊□□北止大塘中有

□□□□□□□□□□以濟往來一□□□□□

□□□□□□□者具列于左□□□□承事_{泐約六字}氏夫

人□□□□承事_{泐約四字}祖母□氏夫人太□翁六八承

事太叔婆曹氏亡□_{泐約四字}叔婆馬氏伯翁三二承事伯

婆段氏亡翁三□承事婆陸氏十四娘子□翁□□承
事叔婆陳氏亡叔翁四六郎叔翁四七郎叔翁五十郎
叔翁□郎亡叔婆徐氏□叔婆滕氏弟五行全外翁□□
承事亡外婆□氏□□□□亡丈母馬氏弟七行全□
□亡叔亡□等上及高高□祖下及□嗣宗□合□□
□同生淨界者

庚申慶元六年十二月 日弟子龔大雅謹題

右龔大雅義井題記吾邑南翔寺九品觀後廢園中
有八角井周遭皆刻字大小不等驗其文乃宋慶元
庚申歲沙堤里人龔大雅螯井題記此井在龔氏祖

墳之旁具列高曾祖翁婆及伯翁叔翁伯婆叔婆亡
男亡弟媳婦外翁外婆丈人文母諸名氏以資冥福
其墳今不知所在

潛研堂金石
文跋尾續

龔大雅義井題記正書井凡八面半刻義井溥施四
大字字徑六七寸一面居中刻南無五千四十八卷
大藏十字字徑寸餘一面記文六行行十八九字不
等徑五六分文云大雅伏念

諱

聖墓

關二長途

關邈

觀往來之甚衆

關

渴乏以何堪不拘士庶工商誰識

賢愚貴賤或逢炎暑或遇晨昏非穿鑿於高原曷

關二

字於

關

困未効章

關

之狀

關二

雍

關

之報義聊

關

誠心盤爲義井報祖宗之艱業碑後裔之榮昌飲此
泉人俱沾利澤又二行低三字題太歲庚申季冬丙
申日龔關二書平江府吳縣元山石匠朱守宣宗廟

諱

開末行題南無大方廣佛華嚴經九字較大七八

兩面一九行一十行大小與記同惟漫漶不盡識祇

存就先祖墳所字北至大塘中字具列于左字及母

闕

氏夫人承事太叔婆曹氏叔婆馬氏承事婆陸氏

十四娘子承事叔婆陳氏亡叔翁四六郎叔翁四七

叔翁五十郎叔婆徐氏滕氏母馬氏同生淨界者等

字末題宋慶元六年十二月日弟子龔大雅一行尙

可辨蓋整井祖墳之旁以資冥福墳今不知所在井在嘉定南翔寺九品觀後廢圃中錢氏跋尾載之

吳郡

金石錄

辛未九月從張東墅前輩

脩府

索得此本詳加審

核知程稚蘅吳郡金石錄所載不無訛謬且未審出者尙多恨不得起稚蘅於九原而互相訂正也至錢先生所謂沙堤里人及高曾祖亡男亡弟媳婦丈人諸字均已曼威無存矣文有云石衣万口者卽馬行口井闌記所稱井衣也北至作止與歸田興學記碑陰四止字同稚蘅錄作至審未細也

承事者八品文官階也

桃花洞題刻三段

在邵陽縣南七里

郡守趙善恭等劭農題名

高四尺五寸廣三尺一寸七行行十五字字徑三寸

分書

嘉泰元年春二月望日郡守趙善恭季溫別駕鄒非熊宗望帥邑令陳敏學交之同出郊劭農禮成游□弁巖洞戶深香秉燭行數十步或但聞兩崖間泉響琴筑聲忽巖端豁如半月石榜蔽其旁日光下澈眞神僊窟宅也裴回酌泉康神寒骨不可以留遂識石壁而還 李

刊

三小字亦分書

案舊志趙善恭字貫均佚與鄭非熊同列於孝宗朝
胡華公前今以是刻考之嘉泰元年爲辛酉甯宗再
改元之歲上距乾道九年相去二十八年之久方志
紀載顛倒錯亂往往如此陳敏學亦不見表安得此
等左證爲補正之邪此金石文字之可貴者也

實慶府邵

顯鶴志

府志錄此文季溫作季德同作間劭作勸游□身
巖作游□□重巖以作久均誤而石有缺泐則賴
志載補注之趙善恭字作肅邵武人乾道八年黃
定榜進士歷知潯邵二州入爲大理司直遷寺丞

倉部郎中右司郎中徐直煥章閣知靜江府經畧
廣西改知潭州安撫湖南移江陵府拜司農少卿
總領湖南錢糧兼知鄂州權宣撫司事加司農卿
通志於孝宗朝載其爲安撫而不及知邵州鄒非
熊宜黃人淳熙十一年衛涇榜進士令曲江平反
死四十有二人邑人刻石頌之通判邵州陳三事
敷奏詳明後除廣東提刑未上而卒所著有竹巖
集通志於高宗朝載其令宜章而不及邵州通判
皆宜更正焉又文云游口弁巖巖名不見於志惜
已泐一字矣

古雲根三字

拓本每字一紙高廣不計字徑一尺二寸旁款字徑一寸七分均正書

古雲根

景定甲子上巳日郡

下泐在雲根二字之右左旁曼威

石在桃花洞後巍然一石中題古雲根三大字旁構

賓峯亭

一統志

桃花洞頂上有石孤植大數圍就之其根瘦削僅盈

握宋景定間郡守篆古雲根三字左鐫景定甲子上

巳右鐫郡守中吳等字其名磨滅不可讀

寶慶府舊志

此古雲根三字旁題景定甲子上巳郡守中吳等字

而缺其名据志謂桃花洞又有桃洞流香洞陽仙境

等字俱郡守廉堯題而云嘉定中予既据姑蘇志辨
正廉堯爲廉聿之謫并疑嘉定當是景定苦無確證
今此刻云景定又云中吳必是聿同時所題而前之
誤廉聿爲廉堯景定爲嘉定更無可疑矣甲子乃景
定五年姑蘇志廉聿傳末但云改安慶府景定初疏
上法堯舜十二事及在官四年境有嘉穀之瑞民爲
立生祠而不及守寶慶事漏也据此可以補之

金石
文編

古雲根正書三字府志以爲篆文者誤至所謂郡
守中吳者惟郡字尙可尋蹤無論廉聿字矣

桃洞流香四字

高一尺四寸廣三尺八寸七分橫列四字字徑八寸許款字徑一寸五分

俱行書

桃洞流香 禮菴

桃花洞有景定中郡守廉堯洞陽仙境並古篆桃洞

流香四字

寶慶府志

堯字俗書以爲木器桌堯字於字書無攷此近代市

井間所用不經之字也予謂廉堯恐是廉犇之誤廉

犇係我吳人王鏊姑蘇志有傳云廉氏在宋時爲吳

中大姓其先本胸山人建炎中始徙吳犇祖名師旦

紹興中進士歷官顯謨閣學士父溧亦登慶元元年

進士仕至祕閣修撰聿字伯升以師旦郊恩補將仕郎端平初出監無爲軍裏安鎮嘉熙二年射策登進士第差行在豐儲西倉議察官淳祐初北兵至通州聿條陳五事知長興縣改來安縣充淮西安撫機宜轉朝奉大夫差知廉州未行改安慶府又改無爲軍開慶初除將作監丞沿江宣撫司參議官差知處州改安慶府景定初疏法堯舜十二事詔獎納之在官四年境有嘉穀之瑞民爲立生祠轉朝議大夫封吳縣開國男卒年七十七据此知聿於端平初始出仕安得先於嘉定中守邵州嘉定當是景定之誤今改

正寶慶府志既於桃花洞下云嘉定中郡守糜堯又
於職官列糜堯於靖康間姓氏已彼此繆異時代又
復前後矛盾且不攷其籍貫歷官皆作志者之疏也
彝卽登字說文作𢇛云籀文登玉篇云彝古文登

古泉

山館金
石文編

右桃洞流香四行書款題禮菴二字無年月姓氏
書體與府志所述絕不相符豈禮菴卽彝之自號
志誤以爲古篆邪疑此爲後人重書而宋時原刻
已不復存矣姑錄之

一統志云桃花洞在縣南七里官道左洞扉高丈

餘石室宏敞頂有一竇通明洞前多桃樹花落水中從山後小谿中流出明謝省桃花洞記云洞距城南七里許石門崿呀路險且幽窈須火以行入可數十丈倍門之廣而高加廣三之二上有一穴俗呼天窗明見須眉崖間有昔人篆刻細辨其點畫皆可成誦此題云洞戶深杳秉燭行數十步武又云忽巖端豁如半月石櫺蔽其旁日光下澈其情狀正相脗合至所謂昔人篆刻者今不復見矣
壬申十月諸碧泉 桓 攝邵陽令拓得寄贈

柳巖題刻三段

在零陵

王淮記

高九寸五分廣二尺九寸五分標題三字字
徑九分篆書記世四行行十字字字徑六分許

行書

桺巖記

篆書

零陵人世傳有巖在愚溪之右柳司馬嘗游焉旣而失
厥所在三四百年間守令屢徧索不獲郡人常以爲恨
予來爲邑乃得此巖谷中荆榛篠簜楚茨葛□綢繆錯
雜蒙蘢其上卽□翦伐芟夷烈火而焚之谷崖始突然
而出崢嶸削拔委曲延袤如張屏鄣巖扇豁然於中巖
之內爽塏寬潔可游可宴其奧窈窕巖之外竅穴如臯
如口如牖如戶透達貫通不可悉數觀者無不駭愕歎

息皆曰此巖密迤愚溪寥々數百年莫有知者今一旦
軒豁呈露豈非地靈固祕有所待而後出邪予以爲柳
司馬紀永之山水最詳遠至於黃溪近至於石渠皆爲
之記茲巖近且顯儻嘗游焉甯無一語及之若以爲傳
之者妄今乃果有是巖此殆不可曉也然旣嘗傳其名
固當藉柳以爲重柳在零陵鬱堙久矣巖昔似之茲乃
得披蒙昧而覩□日子誠有力焉柳游西山然後知向
之未始游々於是乎始予於此亦云助予訪古尋勝者
邑士潘立國立基嘉泰元年四月朔夷門王淮伯清記
右行書三十四行用筆絕似蘭亭序巖石皆黑而此

石獨白質細潤惜爲乞人熏燂非復本色矣丁亥伏
日余始游斯巖爲廓清其地掃除亂石洗滌塵泥伯
清之迹於是始彰

永州府志 留
雲龕金石審

右王淮柳巖記在零陵縣湖南通志所未載永州
府志載此刻闕助予二字及夷門夷字並誤如牖
之牖爲窗據石補正之石所闕泐仍據永志補入
永志所載末有黃才雲刻四字則未之見也後刻
王因道等題名此四字不知處所攷通志引一統
志云柳巖在縣西南又引方輿勝覽云巖在瀟水
西五里永州志云縣西南愚溪之右有柳巖距今

柳祠西里許方輿勝覽謂在瀟西五里誤也巖在黃茅白葦之間突出怪怒中可容數十人宋史有王淮傳字季海金華人孝宗時相卒於淳熙十六年此刻在其歿後十三年籍貫官位均不符合蓋別一人宋史又有王沔之弟亦名淮濟州人任殿中丞謫定遠主簿亦非此題記之王淮也記文云予來爲邑是零陵縣令也與朝陽宮題名合文又有遠至於黃溪云云案柳州黃溪記云北至於浯溪西至於湘之源南至於瀧泉東至於黃溪東屯其間名山水而村者以百數黃溪最善黃溪距

州治七十里又有黃溪聞猿詩

王椿題字

橫列二字字徑五寸八分後款二行行三字字徑八分俱篆書

柳巖

伯清令男椿書

右刻在柳文惠祠後里許平地石巖上巖石久爲石工所侵削已失真面巖口惟存王伯清一記伯清以前題刻久失之矣

永州府志留雲龕金石審

永州府志椿誤作稽此刻無年月王淮題其子椿篆書當與記文同時上石卽附於後

王國道等題名

三行行七字字徑八分正書左行

郤塵王困道同□隱廬鄰來游戊戌三月廿六日

右刻正書三行在王伯清記後前澹山崑作聖鄰而
此用一字作廬鄰豈又一人邪抑可單舉一字邪

永州

府志 留雲
會金石審

右題名刻王淮記後

楊輔等□楚巖題記

高一尺四寸廣一尺一寸七行行十
一二字不等字徑寸許行書在裏陽

嘉泰二年重陽日郡太守楊輔副勳轉運使蒲叔獻勉
道都統制毛致通亮之曉登漢臯□楚巖晚飲洞前東
望鹿門西俯紫蓋諸峯漢水繞出其左右撫昔人之遺

跡知茲游之爲勝絕也

右楊輔等題記在襄陽南三里山之王蟒洞未見
著錄楊輔史有傳字嗣勳遂甯人乾道二年進士
甲科官至建康府兼江淮制置使諡莊惠史言以
顯謨閣待制知江陵府移襄陽而不詳何年嗣勳
嘉泰元年上半年上泉寺題名云余守江陵之四年徙襄
陽是其知江陵在慶元四年徙襄陽在嘉泰元年
也蒲叔獻南部人舉進士爲成都漕百姓歌曰運
使姓蒲民力可蘇召爲宗正卿韓侂冑用事遂請
去時論偉之見萬姓統譜侂冑用事在開禧間其

爲湖北轉運使當在成都之前

崇德廟財帛庫記

高二尺七寸七分廣四尺八分廿五
行行廿二字正書雜行筆在綿州

崇德廟財帛庫

此刻在庫門外高六寸廣一尺四分
分三行行二字字徑二寸六七分

神君收錢財庫

此亦在庫門外高六寸三分廣一尺一分
分三行行二字字徑二寸八九分

皇宋劍南東川潼川府路合州石照縣水南祝壽鄉安

仁里人事寄居利州城西河下住

奉神弟子謝忠信同室秦氏同 □□謝廷堅同新婦

龐氏一家等謹發誠心命工於

神君 殿前用石鑄造化錢樓一所 □□□□奉
空下

神明仰答恩佑以祈保護人眷平安所求如意者嘉泰
二年季冬二十日奉神弟子謝 啓記

嘗謂天下之事惡夫物之所歸也久矣物之無歸則冥
漠而失其所從飄泊而昧其所止是猶魚之失水犬之
喪家良可嘆也是故物貴其有所歸耳今夫所爲海者
百川之所歸也庫者金玉之所歸百川沸騰非海則失
其容金玉滿堂非庫則失其藏凡所謂百川與金王者
是必待乎海之與庫而後容之藏之也知乎此則知所
爲爐之義矣

合陽謝公嘗宛然其真湛然其性待人有禮行事有法

其於物之所歸蓋深有以知之也先於曩時毅然發心

□□

崇德廟鑄造化錢樓一所今告成於紹熙年間發心□

□戊載內酬願嗚呼海者百川之所歸也庫者金玉之

□□也樓者錢湊之所歸也且百川之歸海金玉之歸

□□免乎有大數存焉又人皆可得而知之乎然曷

若□□□歸爐與神默於杳冥之中而納之無禁用之

不□□□然師溥叢林晚生因觀謝公之行事可以紀

□□□□識之庶傳於悠久云 時嘉泰壬戌月建

潼川府武江淨住庵傳教師溥謹跋

創議修造掌廟王光宗同管幹掌廟張汝□弟張汝

霖
閣下

遂甯府蘇紹原刻石 李言之書

右碑左下方缺一角謝忠信建造財帛庫而作是
記師溥跋後李言之書崇德廟所祀何神可無深
考其人其事其文均無足取書尙可觀錄之記文
惡夫物之所歸也久矣句有脫誤非脫一無字卽
所爲無之誤

妙濟真人敕

高二尺六寸廣二尺八寸十一行行六字至十字不
等字徑八分許行書額題開禧制誥四字正書在中

江西樓
妙山

勅潼川府中江縣樓妙山集虛觀道士田太神勝地靈
湫神物所宅活枯起槁陰有相之疇其及物之功錫以
仙真之號益思惠利對我寵光可特封妙濟真人
奉

勅如右牒到奉行

嘉泰四年八月二十二日

潼川府脩廟學碑

高六尺廣三尺十六行行卅五字
字徑寸餘正書篆額失拓在三臺

潼川文物冠冕東蜀遠者弗及論自慶厯間肇徒今學
歷年引久奇材輩興其上德成行尊光明碩大爲一世
儀表其次種學藝文發爲華藻追配古作又其次取巍
科登顯仕以自見於當世前後相望未易悉數夷考其
人其有不由學校而出者乎其有不由升堂講習以至
於有成者乎建堂而榜以立教誠學校之本而人材所
由以成其規摹建置雄傑壯麗以崇風化宜也而舊址
湫隘棧題臺腐居其下有將壓之憂在事者或欲修建
而力不暇或已規畫而旋復解組嘉泰甲子春 太

守吳公謁

先聖先師升堂慨然實議更新之因故基增築尺有半
工徒雲集材葦川至經始於季夏落成於季秋而民不
知學廩不與焉輪奐飛揚崇大嚴肅於節鎮實爲宜稱
載甫猥領教事始至適見興作私竊有感也夫善各有
似善與似相去不能以寸充而行之有胡越之遠孔子
之六言天下之大善也流而爲蔽則爲大不善六言六
蔽惟其似而已矣有志於善得其似而固執之自以爲
是而其術乃至於誤天下後世夫豈無學不講故也聖
人之門必以講習爲急蓋本於此 公之設堂以待
學者其用意豈淺淺哉 公 信王子也忠義

名節世其家臨政率以教化爲本既成此堂尙念齋宇
隳圯廊廡頽毀復斥錢刀廩粟併舉而刵建之工役方
興皆所當書載甫敬紀斯堂重建之歲月其如全功尙
當繼書嘉泰四年十一月旦日迪功郎宜差充潼川府
府學教授馬載甫撰并書迪功郎前潼川府郫縣尉袁
柏篆蓋學正閻懿文學錄楊焯甫直學唐時胥正已立
石

寶方山金剛經偈

八行行五字字徑一尺一寸題款兩行行十
九字字徑三寸有餘俱分書在武岡摩崖

開禧三年丁卯歲長至日都梁郡幕吁江吳中書

若曰色見我曰音聲求我是人行邪道不能見如來一切有爲法如夢幻泡影如露亦如電應作如是觀

郡守吳越錢端恕命工鑄于寶方山之平西洞口

右石刻在武岡摩崖金石家皆未之見湖南通志

據武岡州許志載入云宋寶方山金剛經以拓本

校之祇有偈語並無經文應標題曰寶方山金剛

經偈庶爲核實所載字多舛錯開禧下志少三年

二字卯志作卯若下多人字音上少呂字應志作

皆越志作城鑄下多石字西下少洞口二字

武岡志不

少且據載開禧丁卯云云只十七字而云十九字

郡守吳城云云只十八字而云二十字得此可以校志之謫平西洞志所未載亦可補志之闕一統志云寶方山在州東南五里一名寶勝山亦名資勝山又名法相巖明一統志云山有巖洞八所曰棲真上屏太保朝陽迎陽芙蓉隱仙花乳此平西洞者當卽八洞之一無從攷定武岡漢爲都梁侯國屬零陵郡晉爲都梁縣屬昭陵郡水經注云都梁縣西有小山上有淳水旣清且淺其中悉生蘭草俗謂蘭爲都梁山因以號縣受名焉錢端恕名通志職官失載吳中名亦失載隸法恣肆宋刻中

之佳者 寶慶府鄧志所載應字亦作皆越亦作

城三年二字亦脫

法相巖題刻三段

在武岡

姜桐題記

拓本高二尺五寸廣一尺七寸七分十行行十五字字徑寸正書

城南五里有寺曰法相巖洞深窈爲此邦奇觀故

下空

御書藏焉因暇日領客來游心甚愛之意所觀不止是也廼命於山之巔斬茅焚翳得奇石益富千態萬狀軒豁呈露夫一氣凝結而爲石不知其凡幾季前後來游者不知其凡幾人至是始得盡觀覽之勝豈昌黎公所謂天作而地蔵之以遺其人耶其寺亦圯因從而新之

嘉定辛未長至日假守四明姜桐書

右姜桐題刻在武岡法相巖頂湖南通志寶慶府

志金石內俱失載近日翟斗南大令

秉樞始接得

之碑有御書藏焉之語案澹山岩有王顧奉安御書頌石刻係眞宗篆書明堂二字飛白書明堂之門四字藏於經藏院意當時名山寺院多有賜書而不可攷矣至趙伯言所刊御書偕敘九族四字則在武岡州治不在法相寺也通志職官不載姜桐名寶慶府志載之不詳其里貫得此乃知爲四明人也可以補志之闕又通志山川內附載此記

昌黎下少一公字盡豈黎三字磨滅較甚則賴志所載可據以補石刻之闕辛未歲乃嘉定四年是也

樓鑰碧玉簪三字

拓本高二尺八寸四分廣一尺五寸一行三字字徑六七寸前後各

一行行各五字字徑二寸許俱正書在武岡法相巖

碧玉簪

四明樓鑰書

郡守姜桐立

右碧玉簪三字樓鑰書姜桐刻石樓鑰鄞人史有傳自號攻媿山人此刻無年月寶慶府志云姜桐嘉定中知武岡軍附嘉定末嗣得姜桐題刻於

是岩係嘉定四年所刻此刻當在同時卽附於此

鄭域詩

高二尺五寸六分廣二尺詩五行行八字款二行行六字字徑二寸正書

法相具諸相寶方無乏方突兀虎豹立嵌空蛟龍藏入地轉輪遠透天圓寶光何人鑿混沌擲棄官路傍

嘉定癸酉至日松窓鄭域中卿

右鄭域詩通志府志俱失載癸酉爲嘉定六年府志載有武岡軍判官鄭域桂莊詩一條詩亦未載殆未之見也此鄭域蓋卽其人通志職官失載

八瓊室金石補正卷一百十七終

八瓊室金石補正卷一百十八

男 繼輝校錄

太倉陸增祥撰

吳興劉承幹覆校

宋 三十七

秀巖石刻九段

在臨武

米芾秀巖二字

高二尺三寸廣四尺九寸橫列二字字徑一尺五寸許款一行字徑二寸

立石人名一行字徑一寸均正書

秀巖

襄陽米芾書

嘉定五年六月望日通直郎知

桂

陽軍臨武縣事夷

門王淮立

李昌榮刊

臨武縣南十有五里有巖焉在官道之右石崖嶄然峻拔巖居其高之半予家有米南宮所書秀巖二字墨書乃摹而鑄諸石以爲之名

王淮秀巖
易名記

米芾書秀巖二字宋縣令王淮鑄于鳳岩石壁

湖南
通志

臨武
縣志

零陵縣志載朝陽巖西亭宋令王淮鑄米元章秀巖二字於上今未之見疑卽此刻之傳訛然湖南通志兩收之也秀字之左有明洪武年桂陽府判題記其名已泐

趙汝邪無盡藏三字

拓本四紙高三尺四寸廣不計
橫列三字字徑三尺許款一行

字徑三寸跋廿八行行十七
字字徑一寸五分均正書

無盡藏

潛庵趙汝郭大防書

昔東坡先生泛舟赤壁之上喜江山之勝觀風物之美
壯懷英發慷慨思古几兩遊而□賦焉一歸於造物之
無盡藏是雖達人大□無有限量亦其地之奇勝有感
而然苟不極其辭之宏大有不足以稱述之也臨武縣
南十有五里之外有巖焉溪山美麗寶穴明徹誠一邑
山水之巨擘也舊名奔頭邑宰王公以其名不雅馴
易爲秀岩其視舊名蓋逕庭矣寶慶丁亥中春武夷
趙公率僚屬勞農于郊因過是岩盤旋數刻幾不忍去

指點勝槩拂拭舊題顧謂客曰是岩也嵯峨岬嶂直倚
天際亦浯溪之石崖天齊也□□□□清入毛骨亦廬
山之石砭飛雪也高敞虛呀噴雲茹日四明之玲瓏何
以異此草木森翳霧塵不至盤谷之幽阻何以異此彼
得其一猶足以名世況此兼數者而有之至於景象奇
恠隱見萬狀朝暮雲煙變態百出又有不可枚舉而縷
數者以秀命名美則美矣恐未足以盡其實欲以無盡
藏目之可乎衆曰噲佳哉公於是大書深刻以傳不朽
雖然是岩之名凡三易矣始則鄙俚而不經中則品題
之未及至是始極其瑰偉之稱以寓其形容不尽之意

豈非天造地設必有所待而地靈人傑適遭其時耶抑
嘗爲之說曰地必因名而顯名必因人而重微東坡之
賦不能表赤壁之勝微趙公之名豈能成斯岩之美
哉予故喜而書之寶慶三年良月衡陽羅當世用之謹
跋

宋趙汝愐過秀巖題曰無盡藏書石扁標額之

湖南通志

引臨武縣張志

案趙汝愐商王元份之後見宋史宗室世系表桂陽
州志以無盡藏三字爲蔡中郎書謬甚趙汝愐作趙
汝愐亦誤今改正志云每字橫豎約寬五尺無盡

藏石扁記文見臨武縣張志末題寶慶缺年良月謹

跋蓋此記作於寶慶三年十月訪碑錄据文中述趙

公書刻無盡藏三字時作二月未得其實湖南通志

無盡藏岩跋刻爲衡陽羅當世用之所撰書宋史地

理志桂陽軍南渡後增縣一臨武中有石晉廢紹興

十年復此跋所記是也有字下當有脫文授堂金石跋

湖南通志分題字跋語爲二種茲併列之鄒志作

愼非得拓本無由知其誤也翁卽翁字形容作刑

容

徐經孫詩高二尺二寸廣四尺七寸共廿行行字不一字徑一寸款字較小正書

風露增涼曉氣清
崎嶇取路遶溝塍
早田得雨秋耕遍
晚稻如雲歲事登
古澗蛇行泉曲折
崇岡虎踞石稜層
撥人野興皆詩料
自媿塵埃謝不能

右一

四山環抱似圍城
石屋中間地砥平
天隔俗塵飛不到
神開寶藏畫難成
岩分上下光皆透
水有往來蹤不明
可惜韓張期界上
當時過此未知名

右二

淳祐丙午九月上澣
邑令豫章徐經孫題

稜層當卽峻嶒字

周梅叟題名

高四尺七寸廣二尺四寸五
行行十一十二字字徑四寸許正書

春陵周梅叟持節廣東道經臨武因登茲岩位遊二子
燭炳同郡徐夢龍莆田鄭澥皆寶祐丑癸除節前五日
長孺端至可續筆

癸丑誤倒作丑癸寶祐元年也可疑是日字

朱瑛詩

高一尺四寸五分廣二尺九寸十三
行行字不一字徑一寸四五分艸書

題秀岩用蔡鍊窓韻

約山朱瑛

一溪隔斷人來去
崑路荆榛到者希
見石乳懸驚欲墮
聽泉聲冷坐忘歸
地寬飲可百人共
谷靜塵無半點飛

所恨世无挾山手爲予移取□柴扉

寶祐乙卯五月三日

賈明道題名

高二尺八寸五分廣六尺二寸十
五行行七字字徑三寸餘正書

山君鍾秀岬竒天開巍巍嶷嶷竒竒恠恠真造物之無
盡藏天台賈明道假守桂陽因視師武溪率百里金川
趙汝愐郡幕河□徐監葛溪陳宗恢友人東嘉曹國猷
鄭景炎來遊時萬象寂闕煙霞□化人與景豁如也淋
漓醉墨於是乎書寶五丁巳仲冬旣望

寶五丁巳寶祐五年也岬卽岩字

胡純詩

高二尺二寸廣四尺四寸九
行行七字字徑二寸許正書

陽山鳥道峯前過	一谷呀然隔世埃	泉落陰渠蒼海近
□穿嵌室濕雲開	回中百客麟堪供	僊者千年鶴自來
往矣張韓闕鑄賞	豎扶寒筆意生哀	南昌全真胡純

湖南通志職官胡純令臨武在理宗朝因列於此

涂櫨詩

高一尺六寸廣三尺	詩八行行七字字徑
一寸五分款二行行五字	字較小行書

何代神仙碧玉宮	攀緣直上與天通	拓開四壁層梯峻
幻出千形五色融	後擁前遮山作衛	左嚙右吸水成弓
咨諏我欲呼猿鶴	一笑今誰此興同	

咸七邵農日洪涂櫨周士

末題咸七邵農日當是咸淳七年劬農日也惟劬

書作邵耳以邵農記日當是官茲土者涂姓出南昌洪州是洪爲邑貫姓涂名顯而不見於通志職官無從取證行間隱隱有字蹟蓋磨古刻而爲之者惜不可辨

曾晞顏詩

高三尺一寸廣八尺廿一行七字字徑三寸許行書

瓊樓玉宇落荒村雞犬無聲到洞門采鳳久藏丹穴羽
青蓮倒續華峰根笈談疑有宮商應剌刺渾無斧鑿痕
莫訝空中能卓立亭亭一柱拄乾坤十番春事付風埃
屐齒參經識翠苔野鳥避人猶巧語山花向日儘遲開
奇峰自是平地起活水不知何處來天若便教羈馬脫

寧須海上覓蓬萊廬陵曾晞顏初筮經從後十年偕
陽何來重遊律老□□晞岳峇咸淳癸酉上巳前一日

右秀巖石刻九段在臨武惟羅當世跋語見於孫
氏訪碑錄武氏授堂金石續跋而趙汝邪所書三
字均未之見孫氏則併跋語亦未見故誤以爲二
月瞿氏輯湖南通志金石雖列米趙羅三刻要亦
未見墨本墨本之流傳自余今日始也案湖南通
志引一統志云秀巖在縣南十五里巖石天成門
奧俱備中平曠可坐數百人四壁璀璨如五彩又
引明統志云巖東北有穴通明石乳結聚下有兩

穴水出其左爲大溪流二百餘步復入石穴此秀巖之形勝也徐經孫等諸詩悉與之合可謂盡得其妙矣徐經孫詩云可惜韓張期界上當時過此未知名胡純詩亦云往矣張韓闕鐫賞案一統志韓張山在臨武治北一名官山明統志山在縣學後唐韓愈張署同時遷謫韓令陽山署令臨武及北還會宿於此故名詩中所指卽此賈明道題云視師武溪案水經注武溪水出臨武縣西北桐柏山王淮徐經孫胡純見職官志而載王淮爲零陵令徐經孫爲瀏陽生簿均不及其令臨武可据石

刻補之王淮字伯清見朝陽岩題名徐經孫宋史
有傳字中立初名子柔登寶慶進士授瀏陽主簿
辟永興令知臨武縣通判潭州通志失載又不獨
臨武令也史不詳其里貫通志以爲邵陽人此刻
自署豫章則志又誤矣通志職官趙汝愐愐誤作
恒趙汝郛賈明道徐監當卽監字陳宗恢徐頴均不見
於官志趙汝郛見萬姓統譜字大防開禧元年進
士廣州法曹嘉定間遷淮西檢法改知臨武縣創
倉以拯飢民脩學以化獷俗尋授金陵酒所司書
之職秩滿倅贛州除知韶州之官遇寇卒于道贈

朝議大夫是汝郭在臨武具有政績而志佚其事
并佚其名賴有此刻尙可考證而知之修志者可
不搜剔金石耶周叟梅道州人元公之族嘉熙二
年周坦榜進士見通志選舉賈明道自署天台疑
是賈似道之昆弟曾晞顏酒祐九年解試景定三
年方山京榜進士

知肇慶府陸侃墓誌

高一尺八寸二分廣一尺三寸四分十四行行廿五
字字徑五分橫額題宋知肇慶府陸公墓八字正書
在侯官

宋知府朝請陸公墓

公諱侃字和之其先自光州固始入閩今爲侯官人曾祖衍任朝請郎累贈金紫光祿大夫祖□任尙書郎累贈大中大夫父禪任太府寺丞累贈正奉大夫妣黃氏宣奉大夫稹之孫女公以父生前致仕恩澤補將仕郎銓中調政和尉丁父憂不及赴服闋調建寧尉獲強盜賞改承務郎知臨川縣爲政豈弟吏民安之諸司以最聞次調江南西路憲司幹官本司以審訟公平薦之次監鄂州戶部糧料院次通判漳州及滿丐祠爲三逕計當路知公長於撫字勉其赴闕除知肇慶府開禧丙寅之官以疾卒於五羊享年七十有七積官至朝請郎

先娶潘氏知府朝英之女次娶林氏秘書丞之奇之女
次娶莆田李氏知府之孫皆封安人並先公卒男二人
長坡後公一年亡次域以公致仕恩澤補將仕郎嘉定
壬申六月甲申葬公于懷安縣太平山之原与安人同
穴焉姪從事郎□□州安福縣主管勸農營田公事垣
謹誌

上官振刻

右知肇慶府陸侃墓誌在侯官未見箸錄當是出
土未久者甲戌夏偶於長沙市肆購得之文云銓
中調政和尉攷宋制選入試判三道考爲三等二

道全通一道稍次爲上一道全通二道稍次爲中
三道全次爲下判上者加一階判中依資判下降
一資誌所謂銓中者判中依資也幹官幹辦官也
肇慶府屬廣南東道侯官懷安屬福州政和屬建
寧府莆田屬興化軍俱隸福建路建寧縣有二一
屬湖北路江陵州一屬福建邵武軍此或是邵武
之建寧歟臨川屬江南西路撫州安福屬江南西
路吉州州上所缺當是知吉二字林之奇宋史有
傳字少穎侯官人召爲祕書正字轉祕書郎後由
大宗正丞提舉閩舶奉祠家居自號拙齋作誌之

時當在祕書省也史云正字云郎誌云丞疑史之
誤或由郎轉丞而史失載之

岫巖碑題字

高廣不計正書
在長沙嶽麓山

右帝禹刻□□

似向在
二字

碧霞

湖南通志
以為雲密

峰峭壁閒水繞

石壇之上何致子一以論□

志作
為非

國□幽得之衆

謂志作象
譯誤

虞志脫
此字

夏之書刊之□□□

志作於
此二字

詳記在

山下

三行在篆文末句
下字徑二寸許

嘉定壬申秋用七十二工長沙匠何興李曾□

似壽

西

川監王興勒字青詔

三行在碑側
字徑二寸許

碑末題字僅見於王伯綏禹碑攷而所錄多誤且
謂象譯云者南方曰象北方曰譯以意倣象其形
似而通之且以彼此言語相通釋之謂亦強解矣
碑側題字出匠工之手從未經人道及向疑岫巘
爲明人所爲今見嘉定題字則南宋已有之矣然
猶可疑者碑面石色迥不逮碑側之舊碑面原刻
其爲岫巘與否無從取證禹碑攷謂何刻旋毀順
治末彭而述復鑄之殆非臆說何致長沙人嘉定
中賢良子一其字亦見禹碑攷碑後有明嘉靖十
九年分書題刻十四行

中隱山題刻三段

在臨桂

方信孺題名

高二尺三寸廣二尺九寸三行行三字字徑七寸許正書

詩境癸酉三月三日游

右刻在臨桂中隱山陸放翁書詩境二字方信孺屬刻之自號詩境甫信孺有好菴遊戲詩境集劉克莊爲之序案宋史方信孺字孚若興化軍人以父崧卿蔭補番禺縣尉近臣薦信孺可使金自蕭山丞召赴都命以使事三往返以口舌折彊敵後觸韓侂胄怒奪三秩臨江軍居住侂胄誅乃召信孺自便尋知韶州累遷淮東轉運判官兼提刑知眞州山東初內附

信孺言宜選威望重臣將精兵數萬開幕山東以主制客坐責降三秩再奉祠稍復官歸營居室嚴寶自放於詩酒無一言及其官廣西時事考吳獵方公祠堂記言信孺爲崧卿仲子幼從父宦於桂後二十年復來官提刑兼判漕信孺詩境跋云此字始刻於韶再刻於道三刻於桂是信孺由韶而道而桂也粵東金石略載信孺刻韶州詩境字在嘉定辛未蓋嘉定四年也其道州太史樓記云予以嘉定壬申春曲江拜命來守茲上冬十月經連山問津而西是信孺於五年冬抵道州任而次年癸酉三月至桂嘉定九年

十二月信孺尙爲本路運判見義寧華是信孺韶州

後歷官蹤蹟如此皆史所未載山東內附在十二年

信孺以言事去官隨自放卒文載小傳言其由廣西

轉運罷歸復以提刑至宋詩紀事謂知真州後至廣

西皆誤也廣西通志金石略

管定夫等題名高四尺四寸廣三尺八寸五行行六字字徑五寸許行書

括蒼管定夫莆陽方孚若長樂陳膚仲嘉定癸酉先重

陽一日來游

陳膚仲名孔碩時爲轉運判官見劉仙岩題名

蕭子敬等題名高二尺八寸廣八寸五分三行行十二字字徑二寸正書

蕭子敬向伯大王德強呂封舉鍾德元張聖泳鍾長卿

王必大端平丙申下元前二日來游

詩境題字

高一尺六寸廣三尺六寸五行行
二字字徑五寸許分書在臨桂

詩境來觀嘉定癸酉九日

右刻不見於廣西金石略未識巖洞何名方信孺

以詩境為號屢見厓石

劉甲重修潼川孔廟碑

高六尺廣三尺廿二行行四十四字
字徑七分許正書篆額失拓在三臺

志梓州舊學在羅城西北隅□□□中太守皇

甫

徙瑞慶驛于他所卽驛址建學蓋以其地在東南文

明方□□□□□□□□之□故也□□□□□□□□見

于記載甚詳然自嘉祐迄嘉泰凡百五十餘年已

七經增修□□□□□□□□□□□□莫不稱是

立教堂其崇倍昔尤爲尊嚴而郡之老成士及見舊規

者□□其古意□□□□獨大成殿□□□□不侈不

陋士論最愛重之且不見後來增修月日豈皇甫公所

建其存惟此耶歲嘉□□□炎佐□□學官以秋祀編

陳設于殿適扣柱聞空空有聲蓋疑其中之蠹矣事畢

覆視則如是者七八而南榮□□亦□□□□外視其隅

雖巍然如故而稍緩不支則壓覆是懼顧事大體重未

易輕動也自

閣學侍郎劉公

□□□□

約己以裕民

崇學以厲俗每月朔旦率寮屬奠謁于

先聖先師躋

公堂講說經義按視生員課程閱五

載不以暑寒廢置

經史子集合百餘秩補舊所藏書之闕又捐錢四千緡置田以助公養所以作成學校者靡遺餘

力而廟廢不

修豈公志哉炎佐用是白發其端公曰嘻是不可後也

召匠計之竹章木簡之數朝以上而緡錢糧米之須夕

以給且屬鄆縣令宋君孝弼董其事宋亦以風化所自

欣然受命度木于山得巨材十數不兩閱月以迄事告

· 棧題不改舊觀復還而堅壯過之又以從祀之所堂廡

雖異而無門無旁過者不肅復委于縣罄所餘緡置隔

門三十有二以致

其

別學宮自此無復闕典可議矣炎

佐嘗病世之人類以儒者守苟完苟美之說而因陋就

寡反不若浮圖老子

克壯

厥居豈知彼所謂布以黃金

湧以玉局者特幻化設教以起世俗奔趨歸嚮之心而

吾道之大昭若日

月人

皆仰之

削迹伐木不爲之加損

宮牆數仞不爲之加多今通天下郡國皆有學學皆有

廟以宣神棲以示

□□□□□□□□矣過則非也故春

秋於新作南門則譏之世室屋壞亦譏之蓋作其所不

當作與不修其所當修

皆春秋

之所不取彼傳者立例

則曰修舊不書而此書者以凶年不修而譏之是豈春秋意哉況公於民事雨暘不□則禱禱則應旣滿將代未嘗以荒歉聞亦未嘗因年穀之登而崇飾臺榭以事遊賞惟汲汲乎孔廟是修公盖知所先後矣學記曰三王之祭川也皆先河而後海或源也或委也此謂務本公之所得其在是歟若夫費若干錢役若干人某日興作某日斷手則有司存茲不復書公名甲字師文元祐丞相忠肅公五世孫也今再命以顯謨閣直學士因任云嘉定六年十二月旦門生從政郎充潼川府府學教

授眉山任炎佐記免解進士充府學糾察文彪書丹儒
林郎知潼川府鄴縣事宋孝弼篆蓋府學正楊焯甫府
學錄免解進士文禮一直學馬轅免解進士文思謙掌
□賈駟馬轅等立石

据三巴香古志補注四十三字正一字

西山張成子方孚若題記

高二尺二寸廣五尺七寸十行行五
字字徑三寸五分正書左行在臨桂

張成子方孚若相攸西峰規目爲碧桂山林已遂汎湖

式究幽討同來丁子濟許介之劉晉翁成子弟敬子嘉

定甲戌八月廿四日

廣西通志載西山石刻五種而遺此不錄知搜剔
難遍也張成子名自明盱江人他刻亦書作誠餘
詳宜山詩跋敬子疑自本之字方半若嘗題碧桂
山林四字於巖石通志跋云方信孺碧桂山林記
略曰桂府稍四五里吞蒙溪吐陽江是爲西湖魚
峰隱山相拱揖大凡游觀之勝俱斂避下風右魚
峰一里有古精藍最勝處偕丹霞子小築其上有
堂有奧爰居爰處在唐貞觀間文石薦瑞曰聖主
大吉子孫五千歲太宗詔李靖有碧桂之林蒼梧
之野觀此瑞文如符所兆之語卽以碧桂山林名

之紫帽山人信孺別號丹霞子張自明也此題所

述蓋卽其事

龍隱洞題刻四段

在慶遠府

張自明詩

高三尺七寸廣二尺八寸五分十一行行字不一字徑二寸詩草書

南山山北北山南一洞中分路口三孤鶴叫雲聲自遠

懶龍慳雨睡方酣襄公淡墨留蒼壁太史高風拂翠嵐

百尺崑前清絕地道人先我著茅菴嘉定七年冬十有

二月初六日盱江張自明來游弟自立侍宜士周忠信

韋安雅唐摠龜張日守馮良臣周忠恕韋文虎梁傳才

莫惟醇秦楚才度作山谷祠坐於洞口使道士梁師堅

奉祠事名之曰龍隱菴云

張自明建昌人嘉定中以宜州教授攝州事見粵
西文載嘗建御書閣于城西禱雨于靈潛廟見明
統志字誠子見清秀山水月洞棲霞洞題名襄公
者余靖也太史者黃山谷也嘗知宜州岩有山谷
祠堂明統志不載但言有神祠而已且以此詩屬
之方信孺誤矣孤作飛地作處亦小異廣西通志
金石略引西事珥云自明知宜州一日集士民謂
曰吾將入關矣士民隨之詣九龍山入一洞有石
碑題云宋刺史丹霞張公之墓公飄然而入洞口

漸合今僅容一人側身可進其事近怪岳和聲後
驂鸞錄言嘗親至其地見其蛻骨云通志待訪錄
有張自明題丹霞遺蛻四字在丹霞岩今未見之
此詩云道人先我著茅菴蓋有隱志焉西事耳所
言恐涉傳會

張自本題名

高廣不計一行十一
字字徑七分正書

明季仲春中澣弟自本來觀

自本蓋卽自明之弟刻自明題記末行下方

白雲崑張自明詩

高一尺四寸廣二尺三寸八行行
六字後三行行四字字徑一寸七

分許
正書

玉玲瓏外玉崔嵬曾與三賢識面来自有此山才有此
游人於此合裴回

嘉定乙亥七月既望張自明題

在白雲崑崙卽龍隱之支峰明統志載慶遠有宋
建四賢堂祠馮京黃庭堅趙抃呂璣此稱三賢不
知所指當有余襄公黃山谷也

方信孺題名

高四尺三寸五分廣六寸六分一行七
字字徑五寸許年月雙行小注正書

方信孺行部來游

嘉定九
二一

九二一者九年二月一日也是年十二月華景洞
題名信孺署銜本路運判其六年九月劉仙巖題

名署銜提點刑獄八年八月米芾畫象跋署轉運
判官此云行部來游當是運判時事信孺由提刑
左遷運判粵西文載言其由廣西轉運罷歸後復
以提刑至者誤也此刻在張自明龍隱洞詩之右
右題刻三段在宜山龍隱洞明統志云南山在府
城南六里山有洞曰龍隱洞門有神祠相傳盧僧
坐化於此今有塑像在焉卽其地也廣西通志金
石待訪錄是洞有王鉅游山記王挺余靖方信孺
諸詩刻信孺詩疑卽此題名之誤此四刻均所失
採甲戌秋張敏吾

端治

大令攝宰宜山爲予拓致

之其王鉅諸刻半已無存存者亦以漫患未拓宜
山僻在邊陲羅致甚艱得此差自喜焉

潼川府修學記

存三段一高六尺三寸一高五尺七寸一高六尺
四寸各八行行十九字字徑二寸餘正書在三臺

潼川府修學記

學不可一日而不葺猶士之不可一日而缺三學而不

葺久必壞士而不修久必荒積壞缺三爲力也艱積荒

而後之爲悔也莫及潼之缺三眉山任炎佐之爲教官

也一柱蠹必易之缺必新之一瓦漏必補之一不備必

使之備由缺二夫子之牆而入其門升夫子之堂而造

其室洞洞

翼翼慢易之心無自而入也豈獨官庭壇宇

則然

士之身修也亦如是嘉定八年九月朔太守□□于先
聖先師退則登公堂揖諸生教授與諸□□進曰學既
賴郡侯畢葺侯盍記之後十有五□□泮飲酒因魯僖
公能修泮宮之頌相與言□□公遠矣魯之君臣其辭
夸而魯之禮樂猶可□□騷見又况古者聽訟于是理
兵于是則夫學□□匪惟教也而政出焉雖然立政必
自修身始□□可一日不修猶學不可一日而不葺學
之不□□

下方行間有釋榮生羣日在日周以髣也者士不
葺吏十六字每行二字蓋卽行末殘缺之文也此
段與後石連屬

□健者能葺之雖日月就可也士之不修掌教化者之
恥也而非日月之所能就何以言之大觀四年學始有
記潼川先生楊公之作也公紀學之落成而及夫昔之
教者必以漸熙寧中佩觿入學太常公職教事責之以
學不躐等必五十而後可以言讀易聞之惛然終身佩
之今公之記大書深刻於東廡學者之所宜誦而思也
近世之學或傳習口耳或高談性命傳習口耳則無一

高談性命則

大觀碑今佚

羅池廟迎送神辭

嘉定十年九月九日
萃編載卷一百五十一

園齒世

碑刻重文俱作兩點不另占格
萃編誤世作世亦與碑小異

坡仙

仙誤公

從之

今拓本
作從史

僉判

判誤刺

開庚

缺開字
庚作良

良赴柳

幕

良甫到官

良謹跋

三良字均曼患今据永
州本跋作庚可正二誤

永州亦有此碑明人據馬平本摹刻

本朝重鐫

之碑末跋云右柳州柳侯廟享神詩昌黎韓公作

之東坡蘇公書之與柳河東之德政世稱三絕先

宋時柳州僉判關公庚等刻于羅池廟明時永州

司李劉公克勤刻于愚溪廟中兵燹之後復經焚
燬字已湮□今芳謹將元本重泐上石以復舊觀
順治己亥歲孟秋月永州府知府文安後學魏紹
芳重刻據此知馬平刻石者關庚也萃編缺闕字
諸良字曼患王氏以意定之豈出門人之手邪潛
研堂金石錄目注云開□立石廖□書丹萃編於
廖下空兩格以拓本審之當缺一字錢氏所載較
王氏爲得實矣又王氏跋云重陽門生所未詳也
案重陽蓋立石之時前云丁丑春嗣云攝邑柳城
繼易僉賓州回則中歷數月春得之秋刻之可意

度也屬吏稱門生在宋已有之劉克勤號澹銘新
繁進士萬厯廿四年任推官嗣攝府事擢主事去
永永人祀之載永州府志關夷名見廣西通志嘗
建雲錦亭於柳州朝京門外

安靈廟詩碣

高四尺廣二尺三寸十七行行廿六字字徑
一寸橫額列題安靈廟四字俱正書在融縣

安靈龍潭去郡治十里而遙蓋靈迹之所也余來
假守每早必委縣令迎請龍潭聖水禱祈雨澤霈
然而下靈響異常連年屢豐民得溫飽吏逃罪戾
皆神之賜也茲以官滿親詣祠下謁謝且爲融民

致永作豐年之請炷香既畢小立廟前忽見雙鯉
跳躍于清潭水面之上神龍欣然頷略微誠真異
事也又聞野老之語乃郡志所未載遂亂道紀述
其詳嘉定十二年歲次己卯端午前一日廬陵楊
幼輿書

戴星躡屐謁靈祠廟瞰龍宮俯綠漪鏡漾清潭三百尺
巫云深峰巒環遶聳蒼碧道傍野老忽長噓昔也元爲
三十丈

安氏居嫂笑小姑借梳掠插梳黃耳走送卻姑嗔大嫂
方作喧迅雷陷宅變深淵是時水底猶存屋入夜人聞
尚春粟歷年既久已無形神龍守護稱安靈呼吸風雷

作雲雨愛與人間茂禾黍大觀邦人因禱祈霈然甘澍
滿郊圻人皆懷惠頌靈迹侯爵初封助驩懌近時響應
達朝廷再頒顯號莫與京我來假守三逢夏每遇乾
枯叩祠下靈湫一滴漲塞天衝倒天河頻有年終始恩
波如一日躬趨端拜感何極肅容親炷一瓣香稽首歸
依謝休祥潭心水面跳雙鯉已覺威靈示人喜南遊行
矣歸故鄉更願神兮長久與民作豐穰

安靈潭在眞仙巖後縣志云中多靈異時聞杵聲後
因禱雨有驗封爵建祠宋守楊幼輿有詩立碣

廣西通志

金石待
訪錄

右安靈廟詩碣在融縣金石家所未見甲戌秋吳
慶臣大令拓寄野老之語出自無稽而祈雨應驗
故有功德於民者錫封廟食誰曰不宜楊幼輿於
秩滿之時尙致永作豐年之請拳拳民隱亦復不
可多見也因表而出之

中江縣重修學宮記

高六尺八寸廣三尺五寸廿四行行卅九字字徑寸
許正書篆額題中江縣重修學宮記八字在中江

中江縣重修學記

先王之所以教皆因人心之所有而順導之非有所強
之於外也故其爲教也易而成材也衆孩提之童無不

知愛其親先王因之曰成其孝及其長也無不知敬其兄先王因之以成其悌此弟子之職所以爲小學之教蓋立身行己之本初而學之者也夫人莫不有惻隱之心充之可曰爲仁莫不有羞惡之心充之可以爲義莫不有辭遜之心充之可以爲禮莫不有是非之心充之可以爲智此大人之事所以爲大學之教蓋齊家治國之本壯而行之者也後世設爲學校庠序以養之詩書禮樂曰教之其於古之道也可謂近矣然試之以科舉考之以經義詩賦論策則首先王之所未有者然其所以爲此者亦惟曰使之推其心之所有載之於言曰見

其所蘊之淺深䟽密示耳夫苟能推其心之所有則其
於先王之教豈不尙庶幾哉

國朝自

藝

祖皇帝曰揖遜得天下兩幸太學

列聖因之開設學校尊崇師儒內自

京師外薄四

海州縣莫不有學至於講明先王之遺言紹續洙泗不
傳之緒風化之美尤愧三代視秦漢而下蓋過之矣然
自

仁宗之世取湖州安定先生之法以爲大學

法然後太學之所目爲教者乏自

二程先生侍太

中公爲漢州起止先生中允宇文公爲敎官然後人
知列郡之學不可以無師自司馬文正公之孫爲玉山

令邀

晦菴先生於道請爲諸生講說然後人知縣

之學亦以得師爲美蓋學校之不脩則士無所於學而師儒之不立則學者亦將何以質疑請問必二者交舉然後可以明教化美風俗泯人才可不念哉成都宇文峒爲中江酒官始至適科調繁興眉山李侯臺以爲材使兼縣事期望造學宮歲久不葺因就頽圯則嘆曰俎豆之事文教所繫豈曰軍旅數起大夫久役而遂廢耶於是以其餘力銖積寸累而一新之內而

夫子之

宮堂宇齋廬庖廚門觀以至外之墻圍無不畢備僑者易之聖者飾之起于嘉芝十三年七月庚戌至八月癸

未落成嚴翼多士慰喜又創爲一堂曰祠 濂溪
而下諸老先生以示學者趋向抑亦可謂知所本矣書
來請正文以爲記正聳邑之士蓋嘗有遊東南講聞師
友之微言而歸者來者或能致之使發其大端曰私淑
諸人異時必有卓然而興起者此又所以脩建者之本
意學者不可不知也尙其勉之峒卽止先生四世之
從孫也嘉定十四年二月五日朝奉郎權知重慶軍府
兼管內勸農事借紫巴川度正謹記迪功郎就注彭州
濛陽縣主簿成都范良孫書從政郎潼川府中江縣丞
華陽杜廣心篆額宣教郎知潼川府中江縣主管勸農

事無兵馬監押唐安胡光弼立石

南海浴日亭詩

高四尺下截尖拓廣二尺五寸詩五行行存十二字
字徑三寸許正書後幅四行行卅五字字徑五分
行書在南海

南海浴日亭

翺氣崢嶸夜挿天瑞光明滅到黃灣坐看暘谷浮金暈

遙想錢塘涌雪山已覺滄涼蘇病骨更煩沆瀣洗袁顏

忽驚鳥動行人起飛上千峰紫翠問

右紹聖初元東坡先生謫惠州過浴日亭所作也
壁間今存小刻乃後人所書口微有舛異筠齋得此

與蹟於湘中嘉定辛巳立夏祇舉

皇帝無來謁 祠下因出以壽諸石□補斯亭之闕

蓋斯亭觀覽之偉固自足以雄視海天而此詩詞翰

之神尤足以彈壓千古□可私

約缺三字

之無傳也哉清

源留筠端父書

廣東舊志職官提點刑獄留筠正之次子端平年任

宋史留正傳但云子恭丙端皆尙書郎不知舊志何

據也

金石續編

下方失拓據集本補之

黃觀孫造像題名

高九寸廣一尺六寸六行行三字字徑一寸五分正書在樂至

嘉定十六年仲夏黃觀孫剗岩刻像以昌斯文

文曰以昌斯文則非佛像可知

諭屬詩

高三尺一寸廣四尺三寸詩八行行九字字徑二寸許正書後明人跋十三行行書在長沙

西山真先生諭屬詩

從來官吏與斯民本是同胞一體親既以膏脂供爾祿

湏知痛痒切吾身此邦素號唐風古我輩當如漢吏循

今日湘亭一盃酒敢煩散作十分春

右真先生缺一字國恤民之缺一字半缺一字之念缺一字雖

千載猶

缺十

存故刻諸堅珉

缺十

箴且俾先生之作

下缺

知字數不大明成化庚寅三月□日

賜

□□身中憲大夫

下缺

事□□□錢樹謹□

京中□馬指揮淮陽陳瑛書

長沙府□□石致通□

李□□

嘉靖甲子□□□日

賜進士第中憲大夫

下缺

賜進士第長□府

下缺

右真西山諭屬詩在長沙嵌置南城根又有近時

重刻之本瞿氏輯通志不登明刻故未入錄是編

例亦不收以其爲名儒之作姑從始事之例錄而
識之眞西山爲湖南安撫使在嘉定十三年理宗
立召爲中書舍人列嘉定末

重修卧龍寺記

高三尺八寸五分廣三尺三十行行四十字字徑七
分正書篆額橫列題卧龍寺重修記六字字徑三寸
六分在沅江諸葛廟

君臣大義與天地並自昔帝王所以維持世教爲千世
不窮之計者皆是物也容可以一日廢乎卯金失馭孟
德烏仲謀輩方耽耽虎視於中原謀臣策士皆靡然歸
嚮之不暇而諸葛孔明方且高卧隆中抱膝長嘯視之

若將浼焉及劉公元德以帝室遺胄三枉駕而訪之則
幡然而起披心腹露肝膽確然以身許之豈孔明憤於
去取捨富強之國而甘心於困蹟無聊之地哉特以夫
漢賊不兩立王業不偏安君臣之義在此而不在彼焉
耳故自漢迄今千有餘歲雖愚夫愚婦一聞孔明之名
之德皆悚然起敬起愛此其義槩英風直可以摩日月
而齊嵩華豈一旦所能泯滅哉沅江之西有山曰雲從
有寺曰卧龍乃孔明舊游之地後之人思其德而託以
是名者也厥寺之陰有水一泓復以洗墨名焉且以爲
孔明湔墨之地嗟夫裴公遠矣而綠野以裴公而傳少

陵往矣而草堂以少陵而著則卧龍古剎凡所謂雲從
所謂洗墨亦在乎人不在乎山水之間也寺之初基止
茅舍數椽有僧宗性居焉未幾厄於回祿甲申間宗習
復繼之亦惟刈草建廬而已得非存昔者草廬之意乎
至乾道二禩始以衣傳子溫旣而子溫以是存之行遵
慨然語諸徒曰吾寺乃孔明之舊昔人所以著其大義
而傳之万世者也苟惟因陋就簡輪奐不新龍象不設
非所以崇吾法教繼吾先志也於是吹大法螺擊大法
鼓以大願力現大神通又得大檀越張仁英共創三門
佛殿法堂鐘閣兩廊屋宇楊徽捨塑釋迦大佛率先

而爲之唱故凡流水長者如曾隆金琢金璫夏友聞徐
安仁梅氏李邦直皆翕然捨力捨財裝塑文殊普賢九
尊部落後殿觀音十八羅漢尊者善法堂上無量壽佛
觀音勢至諸殿堂內各安泗州溫神地藏十王護教伽
藍大聖二聖已上共柒十餘尊各有龕帳供臺以一洗
前人之故陋易草菅而爲杞梓飾粉墨而爲丹青万玉
森立於四圍一碧周遭於萬頃像設巍然金碧煥然遂
爲沅江一邑之冠冕厥後又以餘力置買第四都地名
三姑托孟世與孟友勛徐卿等田十畝泊易家山柴山
田地等以贍山門以傳不朽凡昔人所欲爲而未至者

皆一切悞爲之若子溫行遵者亦可謂空善繼人之志

善述人之事傑出於衆流者歟光發先人微與子溫爲

方外友不啻若伯仲然一旦行遵空住持子溫勢所

建寺本末以示予曰本寺係甲乙住持綿歷累代不啻

百有餘年其締創艱難有如空二此者且欲筆此爲記

余喟然語之曰子溫於今則有先人之友義孔明於古

則有君臣之大義因今空二之義以紀其實考古之義

以存其迹其得已於言乎於是乎書若夫建置節目物

產界隔則列于碑陰焉 聖天子龍飛之歲寶慶改

元季夏既望免省進士楊光發撰并書

卧龍寺創建本末茲畫一述于后 一寺基一所東
抵張仁莫水消心南抵湖心內有放生池西抵張瓘
田水消心向北尋寺僧塔土墻曲轉向東抵寺山腳
而爲界 一麴地名和尚畚地一段田三坵東抵嶺
心南西抵李仕
維地坎北
抵喻選地

一前住持本師 宗習度到小師 子溫 子濤

一住持僧 子溫度到小師 行遵 行目 行周

一住持僧 行遵度到小師僧 道賢 道仇 道

瑄 道琮 道瑞 道璨 道秀

一行昌度小師 道瑛 一行周度到僧 道

圓一僧 道旻 度到小師僧 德駿

歲次乙酉主意造碑住持僧行遵同本師子溫

立

儒林郎知常德府沅江縣主管勸農營田公事兼義
勇民兵軍正事余 百簡 龍牙石匠譚如

震

寶慶改元免省進士楊光發撰并列建置節目物產

於碑之陰

沅江縣志

案縣志云縣西南三十里地名郎保舊有諸葛武侯
洗研池名卧龍墨池乾隆乙丑池水竭里人於土中

掘得此碑

湖南通志

右重脩卧龍寺記在沅江諸葛廟案湖南通志云

卧龍墨池在縣南三里

舊志

又云池在縣西烏龍寺

內蜀漢諸葛亮嘗滌硯於此

明統志

一洗墨池而舊

志謂在縣南三里明統志謂在縣西縣志謂在縣

西南三十里記載之不同如此烏龍寺蓋卽卧龍

寺或音近而訛或後來更名均不可知楊光發沅

江人寶慶二年王會龍榜進士撰此碑時尙未登

第也雲從山可補志山川之闕沅江令余百簡可

補志職官之闕碑立於寶慶元年常德府應志誤

以爲九年碑陰無字建置節目物產界隔卽綴於
碑尾以文內列于碑陰之語故志載均謂有陰焉
碑書劉先主字作元避宋始祖諱是碑出土一百
廿七年矣從未有錄其文者錄之自今始

轉運司修南海廟碑

高六尺六寸廣三尺四寸十九行行卅三字字徑一
寸三分額四行題轉運司修南海廟記八字並正書
在南
海

南海神祠位號之尊貴祀典之嚴重廟貌之規恢景響
之昭答唐昌黎公曰深意健筆發揮鋪張詞華而事覈
不可加矣至我

皇朝上之禮神益謹於唐神之報上有加於昔皇祐五年儂寇環攻州城若有所覩震慄引去州以無恙慶元四年大奚囁聚遣將勦捕遇于廟前賊舟則膠坐受俘馘禦菑捍患之功俊偉章灼既聞于上今爵爲

洪聖廣利昭順威顯王表其廟曰英護前據大海吐納潮汐來往祠下者微若一葦大踰萬斛必祇謁忱禱乃敢揚帆鼓棹涉重溟而不懼人之所以恃神者亦重矣廟之舊規宏大歲久頽塌印漏頽窳雖牲醴之奠不闕恐亦未必顧歆也聖曰嘉定十六年承乏將漕乃謀之幕屬撤而新之委主管帳司李宏宗董其事重門俠廡

前殿後堂巨而楹棟細而桷櫓壞者易之缺者補之上
瓦下甃環堵列檻旣葺旣治中外一新丹堊之飾繪畫
之事程功競巧精至纖縵前列呵衛旁羅騎導凡海霧
之有職位者後庭之供娛侍者彪炳森列非復昔日摧
剥垢漫之比鳩工於甲申之仲冬告備於乙酉之季夏
糜金錢六百萬有奇皆出於漕計供餉之贏一毫不目
及州縣實體

朝廷嚴恭禮神之意庸副邇人依恃爲命之心非曰爲
美觀也詩云神之格思不可度思矧可射思南海最大
外通蠻夷何啻百十國神之威靈亦遠矣今廟食于扶

胥之口其格其否固不可度其可射耶繼自今遇壞必
葺有隆無替毋但曰歲皆牲幣工祝致告爲敬必思有
曰妥神之居神依人而行將與邦人相爲終始寶慶元
年七月十五日朝議大夫廣南東路轉運判官義溪曾
噩記奉議郎充廣南東路經略安撫司主管機宜文字
清源留元崇書

劉漢臣刻

曾噩系銜轉運判官而舊志職官載入轉運使誤也

留元崇端之子見萬姓統譜

廣東通志
金石略

它山遺德廟封善政侯牒

高四尺八寸廣二尺四寸牒八行行廿六字
銜名三列列三行字徑寸餘正書在鄧縣

勅慶元府鄞縣小溪鎮它山道德廟神治水化民咸思
歌之奉嘗百世近民之吏其愛利流於無窮而人之
報之亦思爲無窮不惟義所當然蓋理之所必至也
爾神在唐太和令于鄞鄖夙有惠政史冊書焉築堰
迴流灌田萬頃厯載四百遺迹如新師言具孚開以
侯爵褒綸表號永綬廟饗用慰一方甘棠之思且爲
當代循吏之勸可特封善善政奉

勅如右牒到奉行

寶慶三年正月十七日

少師右丞相魯國公 彌遠

左叅知政事 諱

右叅知政事 極以上列

給事中 清之

中書舍人 暨

都事王吉甫以上列

太府卿趙化夫

吏部尙書 清

侍郎 暨以上列

按四明諸水盡瀉之江唐太和中縣令王元暉相地勢謂大江夾諸山直上接平水而溪所從來者高至

它山始兩歧之水稍散漫而江北唯茲山四無所麗

故謂之它山

兩浙金石志

按新唐書地理志鄮南二里有小江湖溉田八百頃開元中令王元緯置民立祠祀之西南四十里有仲夏堰溉田數千頃大和六年刺史于季友築碑云爾神在唐太和令于鄮鄮又云築堰迴流則神卽季友也惟以刺史爲令稍有不符兩浙金石志以王元緯當之并書緯作暉恐非唐文宗建號大和碑書作太知誤始於宋當時石刻無作太者牒後銜名彌遠者史彌遠也是年三月兼樞密使

尙在牒下之後諳者宣諳也宋史寶慶元年十一月宣諳自參知政事除同知樞密院事三年正月乙亥參知政事兼同知樞密院事碑則但署參知政事也極者薛極也